



ԱՆՃԵՐԻԱ ԵՒ ՔԱԹԱՐ ՊԻՏԻ ՕԺԱՆԴԱԿԵՆ

Լիբանանի խորհրդարանի Արտաքին յարաբերության և անձնակազմի նախագահ Ֆատի Ալամե յայտարարեց, թե Ալճերիա պատրաստակամություն յայտնած է քարիւղ



ապահովելու Լիբանանին: Քաթար պատրաստակամություն յայտնած է հարկեր հազար լիբանանցի աշխատուցելու իր հողին վրայ: Իսկ Եգիպտոս խոստացած է բժշկական օժանդակություն կատարել Լիբանանին: Այս բոլոր խոստումները տրուած են Արաբական լիկայի գերաստիճանի ընթացքին:

ՍԱՄԱՆՅԱՓՈՒՆՐ ՊԻՏԻ ՕԺԱՆԴԱԿԵ

Լիբանանի արտաքին գործերու նախարար Ապտալլա Պու Յապիպ յայտարարեց, թե Ամերիկեան Միջազգային



Չարգացումի կազմակերպության տնօրէն Սամանթա Փաուլըր արտայայտած է իր պատրաստակամութիւնը Լիբանան այցելելու, օժանդակելու համար երկրին տնտեսական դժուար պայմաններուն մէջ:

ՀՈՏԱ ՍԱԼԼՈՒՄԻ ԴԵՍ ԳԵՏԱՊՆԴՈՒՄ

Լիբանանի Ներքին գործերու նախարարութեան գործակատար դատարար Պասսամ Մաուլաուի թոյլտուութիւն տուաւ դատարար Նազէ Կլ Խաթիպին հարցաքննելու հա-



մար ինքնաշարժներու արձանագրութեան տնօրէնութեան տնօրէնուհի Հոտա Սալլումը: Այս հարցին շուրջ արդէն 9 կասկածելիներ հարցաքննուած էին: Նախկին երեսփոխան Հատի Հըպէշ ղեմ արտայայտուեցաւ այս հարցաքննութեան, որովհետեւ ամբողջ համակարգին մէջ փտածութիւն կայ եւ բոլոր թղթածրարները պետք է բացուին եւ ոչ թէ միայն կարգ մը թղթածրարներ:

ՓԱՏՏԱԲԱՆԸ ԱԶԱՏ ԱՐՁԱԿՈՒԵՑԱՒ

Լեռնալիբանանի դատարար Դատա Անու որոշում կայացուց ազատ արձակելու փաստաբան Ռամի Ալէքը եւ դրա-



մատան յաճախորդ մը, որոնք դրամատուն մտած էին եւ պահանջած էին իրենց ի պահ դրած գումարը: Անոնք հաջողու սկսած էին եւ Ալէի հիւանդանոց փոխադրուած էր: Երկու հոգի տակաւին կը մնան բանտարկուած այս հարցին մէջ:

ԱՄՆ-Ի ԸՆՏՐՈՒԹԻՒՆՆԵՐԸ ՍԿՍԱՆ

ԱՄՆ-ի մէջ ընտրական կեդրոնները բացին իրենց դուռերը ընդունելու համար քուէարկողները: Պիտի ընտրութիւն Ներկայացուցիչներու պալատի բոլոր 435 պատգամաւորները, Շերակոյտին մէկ երրորդը եւ 50 նահանգներէն 36-ին կառավարիչները: Հանրապետական կուսակցութիւնը կը



փորձէ աւելցնել իր ներկայացուցիչներուն թիւը երկու պալատներուն մէջ: Յաջողութեան պարագային, նախագահ Ճօ Պայտընի գործը բաւական պիտի դժուարանայ, որովհետեւ իր առած որոշումները պիտի խոչընդոտուին: «Ռոյթըրզ» եւ «Իփսոս» վիճակագրական ընկերութիւններու կազմակերպած հարցախոյզին համաձայն, ԱՄՆ-ի նախագահ Ճօ Պայտընի ժողովրդականութիւնը նուազած է 39 առ հարիւր համեմատութեան:

ՌՈՒՍԻԱ ՊԱՏՐԱՍ Ե ԸՆՆԱՐԿՈՒՄԻ

Ռուսիոյ Դաշնութեան Արտաքին գործերու նախարարութեան խօսնակ Մարիա Չախարովա յայտարարեց, թէ Ռուսիա-ԱՄՆ մնայուն հաղորդակցութիւն կայ: Ան աւելցուց, որ Ռուսիա պատրաստ է ամեն ըննարկումի: Չախարովա իր մտիդութիւնը յայտնեց Արեւմուտքի քայլերէն Կովկասի շրջանին մէջ, ուր ան կը փորձէ անկայունութիւն ստեղծել Ռուսիան նեղելու համար, Ուքրանիայէն Ետե երկրորդ անկայունութեան կետ մը աւելցնելով: Այս մէկը տեղի կ'ունենայ եղբայրական Հայաստանի վրայ ճնշումը աւելցնելով: Արեւմուտքին հետ կապ ունեցող շատ մը կազմակերպութիւններ եւ լրատուական միջոցներ կը կատարեն Ռուսիոյ պատմական դերը սեւեռող լրատուական քաղաքականութիւն, շրջանի բարեկամ ժողովուրդներուն մէջ հակառուս հոսանք գոյացնելու համար:



Ռուսական կառավարութիւնը արգիլեց համագործակցութիւնը 74 կազմակերպութեան հետ, որոնք կը պատկանին 12 երկիրներու, պաշտպանութեան արհեստագիտութեան մարզին մէջ: Այդ երկիրներու շարքին են ԱՄՆ, Բրիտանիա, Ֆրանսա, Գանատա եւ Գերմանիա: Միւս կողմէ, Ուքրանիոյ Ապահովութեան խորհուրդը հաստատեց, որ Ռուսիոյ հետ բանակցութեան պայմաններէն զլիսաւորն է Ուքրանիոյ հողային ամբողջականութիւնը: Նկատի առնելով որ Ռուսիոյ Դաշնութեան նախագահ Վլատիմիր Փութին պատրաստ չէ զիջումի, ուրեմն անոր հետ բանակցիլը ժամանակի կորուստ է, ըստ Ուքրանիոյ:

Միւս կողմէ, Ուքրանիոյ Ապահովութեան խորհուրդը հաստատեց, որ Ռուսիոյ հետ բանակցութեան պայմաններէն զլիսաւորն է Ուքրանիոյ հողային ամբողջականութիւնը: Նկատի առնելով որ Ռուսիոյ Դաշնութեան նախագահ Վլատիմիր Փութին պատրաստ չէ զիջումի, ուրեմն անոր հետ բանակցիլը ժամանակի կորուստ է, ըստ Ուքրանիոյ:

ՍՈՒՐԻՈՅ ՀԵՏ ՅԱՐԱԲԵՐՈՒԹԻՒՆԸ ԿԱՐԵԼԻ Ե ԲԱՐԵԼԱՒԵԼ

Թուրքիոյ արտաքին գործերու նախարար Մեվլուտ Չավուշօղլու յայտարարեց, թէ կարելի է Սուրիոյ հետ իր



երկրին յարաբերութիւնը բարելաւել գաղտնի գործակալութեան մակարդակէն դիւանագիտական մակարդակի, ըստ պայմաններու փոփոխութեան: Թուրքիա յայտարարած էր, թէ երկու երկիրներու արտաքին գործերու նախարարները հաղորդակցած էին, ըննարկելու համար սուրիական կառավարութեան եւ ընդդիմութեան միջեւ հաշտութեան կարելիութիւնը:

ԱԼԻԵԻ ՅԱՅՏԱՐԱՐՈՒԹԻՒՆԸ

Ատրպէյճանի նախագահ Իլհամ Ալիեւ ընդունեց, որ իր երկիրը մտած է Հայաստանի Հանրապետութեան հողամաս: Ան Շուշիի մէջ յայտարարեց, թէ 13-14 Սեպտեմբերին տեղի ունեցած դէպքերը պետք է դաս ըլլան Հայաստանի համար: Ան ազդարարեց, թէ Հայաստան պետք է



գբաղի իր ներքին հարցերով եւ չմիջամտէ ըստ իրեն Ատրպէյճանի հողամաս համարուող Արցախի մէջ: Արցախ իրենց կը պատկանի եւ ռուս խաղաղապահ ուժերը այդտեղ կը գտնուին առժամաբար, ըստ Ալիեւի: 10 Նոյեմբեր 2020-ի եռակողմ յայտարարութեան մէջ կայ պայմանաժամը այդ ուժերու մնալուն Արցախի մէջ:

Ան աւելցուցած է, որ յաջորդ տարի Ատրպէյճանի ամբողջական պիտի հասնի մրցակցային թիւի եւ ան գգուշացուց Հայաստանի մէջ ուժերու գոյութենէն, որոնք չեն համակերպի ներկայ վիճակին եւ չեն ընդունիր պարտութիւնը: Հայաստանը, ըստ իրեն, չի կատարեր 10 Նոյեմբեր 2020-ի յայտարարութեան պարտաւորութիւնները եւ իր բանակը ամբողջութեամբ չէ քաշած Արցախէն: Նաեւ Հայաստան չէ տրամադրած միջանցք Չանգեզուրի մէջ: Ան յայտարարած է, թէ Ատրպէյճան պատրաստ է խաղաղութեան համաձայնագիր ստորագրելու Հայաստանի հետ, յարգելով միջազգային օրէնքը հողային ամբողջականութեան վերաբերեալ: Ալիեւ սպառնացած է Հայաստանի կողմէ պարտաւորութիւնները չկատարելու պարագային ուժի դիմել, նկատի առնելով որ Ատրպէյճանի բանակը աւելի ուժեղ է:

ԻՍՐԱԵԼԻ ԴԵՍԱՆԱՏՈՒՆԸ ՇՆՈՐՀԱՌՈՐԱԾ Է

Պացուի մէջ Իսրայէլի դեսպանատունը շնորհաւորած է Ատրպէյճանը «Յաղթանակի Օր» ուսն առիթով: Այս այն յարթանակն է, որ Ատրպէյճան արձանագրեց Արցախի հայկական ուժերուն դէմ Սեպտեմբեր 2020-ի 44-օրեայ պատերազմին ընթացքին: Իսրայէլ եւ Թուրքիա օժանդակած էին ատրպէյճանական բանակին այս յարձակումի ընթացքին:

ՔԻՐՏ ԶԻՆԵԱԼՆԵՐ ՍՊԱՆՈՒԾ Է

Թուրքիոյ Պաշտպանութեան նախարարութիւնը յայտարարեց, թէ «Քիրտիստանի Աշխատաւորական կուսակ-



ցութեան» անդամ 11 զինեալներ սպանուած են թրքական ուժերուն կողմէ, ներառեալ ղեկավարներ, օդային ռմբակոծումի միջոցով, Հիւսիսային Իրաքի շրջանին մէջ:

ՍԱԲՐՈՆ ՊԻՏԻ ՅԱՅՏԱՐԱՐԵ

Ֆրանսայի նախագահութեան խօսնակը յայտարարեց, թէ այսօր Ֆրանսայի նախագահ Էմանուէլ Մաքրոն պիտի



յայտարարէ Արեւմտեան Ափրիկէի Սահելի երկիրներուն մէջ ֆրանսական զինուորական հակաահաբեկչական գործողութեան աւարտը: 15 Օգոստոսին ֆրանսացի վերջին զինուորները հեռացած էին Մալիէն:

ՀՀ ԱԸՀ ԵՒ ԿԵՆՍՈՒՈՐՏԻ ՆԱԽԱՐԱՐՆԵՐՆ ԸՆԴՈՒՆԱԾ ԵՆ «ԷՅ-ԹԻ-ՓԻ» ԲԱՐԵԳՈՐԾԱԿԱՆ ՀԻՄՆԱԴՐԱՄԻ ՆԵՐԿԱՅԱՑՈՒՑԻՉՆԵՐԸ

Աշխատանքի եւ ընկերային հարցերու նախարար Նաբեկ Մկրտչեանն ու կենսոլորտի նախարար Յակոբ Սիմոնեանը ընդունած են «Էյ-Թի-Փի» (Armenia Tree Project) բարեգործական հիմնադրամի ներկայացուցիչները՝ կազմակերպութեան գործադիր տնօրէն Տիմոթի Գալիպեանի գլխավորութեամբ:



Հանդիպման ընթացքին ներկայացուած են Հիմնադրամի կողմէ իրականացուող ծրագիրները, արձանագրած արդիւնքները, շեշտուած է վերջինիս առաքելութիւնը, այն է՝ աջակցիլ մարդոց եւ, առաջին հերթին, կարիքաւոր ընտանիքներուն՝ նպաստելով անոնց ինքնաբաւարարական մակարդակի բարձրացման ու միաժամանակ պահպանելով բնական ընդհանրակարգերը:

Ընդգծելով ընտանիքներուն զբաղուածութեան ապահովման ուղղուած ծրագիրներու իրականացման, ինչպէս նաեւ անոնց ընկերային եւ բնապահպանական բաղադրիչներու համատեղելիութեան կարեւորութիւնը՝ նախարարները պատրաստակամութիւն յայտնած են համագործակցելու արդէն իսկ իրականացուող ՏՆամբը տնկարաններու ծրագրի ծիրին մէջ: Սա միջոցառում է, որ հնարաւորութիւն կու տայ շահառու ընտանիքներուն տրամադրել սերմեր, անհրաժեշտ կիւթեր, հմտութիւններ, որոնց շնորհիւ վերջիններս կրնան տնկել ու աճեցնել ծառեր՝ հետագային զանոնք վաճառելով Հիմնադրամին:

Ընտանիքները յաւելելով եկամուտով ապահովելու այս ծրագրի ծիրին մէջ աշխատանքի եւ ընկերային հարցերու նախարար Նաբեկ Մկրտչեան առաջարկած է դիտարկել նաեւ նախարարութեան կողմէ արդէն իսկ իրականացուող «Եղանակային զբաղուածութեան ծրագրի» հետ համատեղելիութիւնը, որմէ միայն 2022 թուականին օգտուած է աւելի քան 1170 անձ: Նախարար Մկրտչեան առաջարկած է նաեւ դիտարկել նախարարութեան ենթակայութեամբ գործող կազմակերպութիւններու բնակիչները որպէս ծրագրի շահառու ներգրաւելու հնարաւորութիւնը:

Յակոբ Սիմոնեան եւս ողջունած է ծրագրի համատեղ իրականացման հնարաւորութիւնը՝ նշելով, որ տարածքներու ընտրութեան, քարտեզագրման եւ այլ աշխատանքներուն մէջ իրենց մասնակցութիւնը պիտի ունենան Կենսոլորտի նախարարութեան ներկայացուցիչները:

Հանդիպման աւարտին պայմանաւորուածութիւն ձեռք բերուած է ստեղծել եռակողմ աշխատանքային խումբ՝ աշխատանքներու կազմակերպման նպատակով:

ԿՈՒԹԵՐԵՇ. «ՄՈՒՈՐԱԿԸ ԴԵՊԻ «ԿԼԻՄԱՅԱԿԱՆ ԴԺՈՒՅԸ» ԿԸ ՇԱՐԺԻ»

ՄԱԿ-ի գլխաւոր քարտուղար Անթոնիօ Կուլթերեշ կը կարծէ, որ մոլորակը կը շարժի դէպի «կլիմայական դժոխք», եւ կլիմայի փոփոխութիւնները կրնան անդառնալի դառնալ: Այս կարծիքը ան յայտնած է 7 Նոյեմբերին, Շարմ Էլ Շէյխի մէջ, հանդես գալով Կլիմայի փոփոխութեան մասին ՄԱԿ-ի պարփակ ուխտի կողմերու 27-րդ խորհրդաժողովին:



«Ձերմոցային կազմերու արտանետումները կը շարունակեն աճիլ, ընդհանուր ջերմաստիճանը կ'աճի,- ըսած է Կուլթերեշ:- Մեր մոլորակը արագօրէն կը մօտենայ բեկումնային գործօններուն, որոնք կլիմայական քառու պիտի դարձնեն անդառնալի: Մենք կլիմայական դժոխքի ճանապարհին ենք, ընդ որում մեր ոտքերը կը պահենք կազմ ոտնակին»: ՄԱԿ-ի գլխաւոր քարտուղարը կլիմայի փոփոխութիւնը համարած է կանխորոշիչ խնդիր եւ ամբողջ դարի գլխաւոր մարտահրաւերը: «Անհանդուրժելի, աղաղակող եւ ինքնակործանարար է գայն մղել երկրորդ ծրագիր: Իրօք, այսօրուան շատ հակամարտութիւններ կապուած են աճող կլիմայական քառուի հետ», նշած է ան: «Ներկայիս ճգնաժամերը, որոնք շտապ լուծում կը պահանջեն, չեն կրնար ուրացողութեան արդարացում ծառայել», ըսած է համաշխարհային կազմակերպութեան գլխաւոր քարտուղարը:

ՍՓԻՌԵԱՅԱՅԵՐՈՒ 74 ՏՈԿՈՍԸ ՊԱՏՐԱՍ Ե ՆԵՐԴՐՈՒՄՆԵՐ ԸՆԵԼՈՒ ՀԱՅԱՍՏԱՆԻ ՄԵՋ. ԵՐԵՒԱՆԻ ՄԵՋ ՄԵԿՆԱՐԿԱԾ Ե ԱՅԼԸՆՏՐԱՆԲԱՅԻՆ ՆԵՐԴՐՈՒՄՆԵՐՈՒ ԹԵՄԱՅՈՎ ՄԻՋԱՉԳԱՅԻՆ ՀԱՄԱԺՈՂՈՎ

Երեւանի մէջ մեկնարկած է «Այլընտրանքային ներդրումները Հայաստանի մէջ» երկօրեայ միջազգային համաժողովը, որուն կը մասնակցին աւելի քան 150 ներկայացուցիչներ՝ Հայաստանէն, Միացեալ Նահանգներէն, Միացեալ Թագաւորութենէն:

Համաժողովին հիմնական նպատակն է Հայաստանի մէջ այլընտրանքային ներդրումներու աղբիւրներու աճին համար հնարաւորութիւններու ստեղծումը: Միաժամանակ, համաժողովը Թուրքիոյ Զուրա ցանցի աշխուժացման կարեւոր միջոցառումներէն է՝ ի լրումն հայկական սթարթափներու համար ներդրումներու ներգրաման:



Երկօրեայ համաժողովի ամբողջ ընթացքին պիտի աշխատի BDO Armenia-ի խումբը, որուն մասնագետները առաջնային խորհրդատուութիւն պիտի մատուցեն ընկերութիւններուն՝ հարկային եւ իրաւական թեմաներով:

Համաժողովը մէկ ընդհանուր հարթակի մէջ հաւաքած է ներդրողներու, ընտանեկան գրասենեակներու, ֆինանսական կառոյցներու, մասնաւոր ընկերութիւններու, կառավարութիւններու, դեպքայնատուներու ներկայացուցիչներ:

ՀՀ տնտեսութեան նախարար Վահան Զերոբեան, կարեւորելով համաժողովը՝ նշեց, որ նախարարութիւնն ու կառավարութիւնը նպատակ ունին զարգացնել տնտեսութեան ֆինանսաւորման այլընտրանքային շերտերը: Անոր խօսքով՝ Սփիւռքի գլխաւոր յանձնակատարի գրասենեակին հետ կատարած համատեղ հետազոտութիւններուն արդիւնքը ցոյց տուած է, որ սփիւռքահայերուն 74 տոկոսը պատրաստ է Հայաստանում մէջ ներդրումներ կատարելու: Մարդիկ կը դիտարկեն նաեւ մասնաւոր ներդրումային հնարաւորութիւնները:

ՀԱՅԱՍՏԱՆԻ ՄԵՋ ՇՈՒՋ 130 ՀԱՉԱՐ ԾԱՌԱՏՈՒՆԿ ԻՐԱԿԱՆԱՑՈՒԱԾ Է՝ 451 ՀԱՉԱՐ ՏՆԿԱՆԻԹՈՎ

Համապետական ծառատունկի ընթացքին, որ տեղի ունեցած է 5 Նոյեմբերին, Հայաստանի մէջ շուրջ 130 հա ծառատունկ իրականացուած է՝ 451 հազար տնկանիւթով: Կլիմայի փոփոխութեան դէմ մղուող համաշխարհային պայքարի շրջանակին մէջ Հայաստանը ձեռնամուկ է եղած է անտառածածկ տարածքներու ընդարձակման:



Շրջակայ միջավայրի նախարարութեան նախաձեռնութեամբ 5 Նոյեմբերին Հայաստանի Հանրապետութեան ամբողջ տարածքին իրականացուեցաւ համապետական ծառատունկ, որու ծիրին մէջ պետական պիտուէի ֆինանսաւորմամբ ծառատունկի աշխատանքներ իրականացուեցան նախարարութեան Անտառային կոմիտէի «Հայաստան» կազմակերպութեան «Վայոց ձորի անտառտնտեսութիւն» մասնաճիւղի Ջերմուկի անտառապետութեան մէջ, «Արագածոտնի անտառտնտեսութիւն», «Արծուաբերդի անտառտնտեսութիւն», «Թումանեանի անտառտնտեսութիւն» եւ «Սիսիանի անտառտնտեսութիւն» մասնաճիւղերուն մէջ:

Ծառատունկին տնկուող հիմնական անտառակազմող ծառատեսակներն էին սոճի, հացենի, թեղի, խնձորենի, թխկի, կաղնի, կեչի, արջատիսիլ: Համապետական ծառատունկին մասնակցած են Շրջակայ միջավայրի նախարարութիւնը իր ենթակայ կազմակերպութիւններով, պետական գերատեսչութիւններու, ուսումնական հաստատութիւններու, միջազգային եւ հասարակական կազմակերպութիւններու ներկայացուցիչներ: Կը նշուի, որ Հայաստանի Հանրապետութիւնը որդեգրած է անտառներու պահպանման եւ վերականգնման օրակարգը՝ պարտաւորելով կրկնապատկել իր անտառածածկոյթը մինչեւ 2050 թուականը, եւ այս ծառատունկը եւս մէկ քայլ էր այդ օրակարգի շրջանակին մէջ:

ՀԱՅԱՍՏԱՆԻ ՄԵՋ ՅՈՅՍ ՈՒՆԻՆ, ՈՐ ՄԱՏԵՆԱԳՐԱՄԵՆԻՆ ՄԵՋ ՏԵՂԻ ՈՒՆԵՅԱԾ ՄԻՋԱՉԳԱՅԻՆ ԳԻՏԱԺՈՂՈՎԻ ՆԻԹԵՐԸ ՊԻՏԻ ՀՐԱՏԱՐԱԿՈՒՄԻՆ ԱՄԲՈՂԱԿԱՆ ՀԱՏՈՐՈՎ

«Անտիկ եւ միջնադարեան բնագրերու մեկնութիւնները» խորագրով միջազգային քառօրեայ գիտաժողովին Հայաստանի եւ արտերկրի մասնագետները աւելի քան 30 զեկոյց ներկայացուցած են: Այս մասին նշեց Մատենադարանի տնօրէն Արթուր Տեր Ղեւոնդեանը:

«Ընդունեցինք գիտաժողովը այստեղ կազմակերպելու առաջարկը, քանի որ վստահ ենք, որ գիտելիքի եւ փորձի փոխանակումը գիտութեան զարգացման տանող հզօր ազդակ է: Քառօրեայ գիտաժողովը նոր ծանօթութիւններու, համատեղ ծրագիրներ կազմելու, նոր համագործակցութիւններ ձեռք բերելու լաւագոյն հարթակն է», նշեց Տեր Ղեւոնդեան:



Անոր խօսքով՝ գիտաժողովին մասնակցած են հին յուսարեւի եւ լատիներեւի համաշխարհային հռչակ ունեցող մասնագետներ, նաեւ երիտասարդ գիտնականներ:

«Հայաստանի գիտնականները եւ արտասահմանեան մասնագետներու կապերը միայն դրական արդիւնք կըրնան տալ: Յոյս ունինք, որ միւս տարի գիտաժողովին նիւթերը պիտի հրատարակուին մէկ ամբողջական հատորով», նշեց ան:



Գիտաժողովին մասնակցած են աշխարհի տարբեր երկրներէ, այդ շարքին՝ ԱՄՆ-էն, Սպանիայէն: Մասնագետներուն հիմնական մասը Ռուսիայէն եղած է: Մատենադարանի գործընկեր Պորիս Նիկոլսքին, կարեւորելով գիտաժողովը, նշեց, որ այն իրաշալի առիթ էր միջազգային նոր գործընկերներ ձեռք բերելու համար:

«Աշխարհաքաղաքական այս իրավիճակին մէջ Հայաստանը դարձաւ այն վայրը, ուր հանդիպեցան գիտնականներ Ռուսիայէն եւ Արեւմուտքէն: Գիտաժողովը մեզի համար նոր հնարաւորութիւններ բացաւ: Ծանօթ չէինք գրաբարին, հին հայկական մշակոյթին: Գիտաժողովի ընթացքին այլազգի մասնագետները կիսուած են իրենց գիտելիքներով եւ փորձով, որոնք կրնան կիրառել տեղի մասնագետները: Գիտաժողովը փորձի փոխանակման լաւագոյն հարթակը դարձաւ», ըսաւ Պորիս Նիկոլսքին: 1-4 Նոյեմբերին տեղի ունեցած գիտաժողովին կազմակերպիչներն էին Մատենադարանը, Ռուսիոյ Գիտութիւններու ազգային ակադեմիայի Համաշխարհային գրականութեան հիմնարկը եւ Ակտուալ հումանիտար հետազոտութիւններու դպրոցը:

